

Bi 2023 Aen Doxdax Majlahsungh Buet Byongh Ginhsiu Hainduj Lo

2023 金秀半程马拉松赛开跑

9 nyied 17 hauh gyang-haet caet diemj buenq, bi 2023 aen doxdax majlahsungh buet byongh Ginhsiu dwk cungq hainduj lo. Roek cien bet bak lai boux vunz gag daj ngeihcib caet aen swngj、goujcib bet aen si、song bak hajcib it aen yienh gih daeuj daengz gizneix. Gyoengqde daj Aen Gvangj-cangz Yauzduh ndawiyen hwnjdin, youq gwnzroen doxdax gyaeunde haenx ceng buet bae gonq. Baez doxdax

neix miz majlahsungh buet byongh、buet dinj. Roen doxdax raez ngeih' it diemj lingz gouj caet haj goengleix, baijok gij gingjsaek swnghdai daegbied Ginhsiu, bang yienh neix dajcauh aen binjbaiz minzsug lijyouz miz daegsaek de. Neix caemh gyalag le minzcuz caezhoz, couqmaenh gij eijsik caezcaemh Cungh-vaz Minzcuz, angqcoux aen Yayinvei Hangzcouh.

(Cai Swhlieng/蔡思亮)

► Vunzlai angqyangz ceng buet bae gonq.



Sanhgyangh Langhbaij Aen Sibsug Duncuz Doxaeu, Yinx Vunz Daeuj Youz Ngonzyawj

三江:侗族婚俗展演成为旅游亮点

9 nyied 16 hauh, Sanhgyangh Duncuz Swciyen Linz-hih Cin Cwngzyangz Bazcai langhbaij aen sibsug cienz-doengj soengq bawxmoq hoizmonz. Aen doih soengqcaen ram mouhoengz, rap byasoemj、haeuxnaengj、baengz Duncuz daengj doxgaiq, nauhnauh yiedyied soengq bawxmoq ma ranzmeh. Neix baijok yienghndei minzsug Duncuz, yinx le haujlai hekyouz gak dieg daeuj neix ngonzyawj guhcaemz, coicaenh vunzmbanj demsou, bang saenqhwngh lajmbanj.

(Danz Gaijhingh/谭凯兴)



▲ Bawxmoq daenj buhvaq Duncuz baij youq gwnzroen langhbaij sibsug doxaeu.



▲ Bing moq daenj buhbing、venj saihoengz、daep vahoengz yaek bae dang bing lo.

Miznaj Hwnjroen!

Denzyangz Gih Hajcib Lai Boux Bing Moq Bae Ranzbing

光荣启程!

百色市田阳区50余名新兵赴军营

9 nyied 15 hauh, Bwzswz Si Denzyangz Gih hai aen hoih bi 2023 seizcou baecinj caeuq soengq bing moq bae dang bing. Hajcib lai boux bing moq daenj buhbing、venj saihoengz、daep vahoengz, baiz ndaej caezcingj, yaek bae ranzbing bauqyauq guekcoj. Vunzlai dieg de eu fwen diuq foux angq soengq gyoengq bing moq. Hozdung hawj gyoengq bing moq gag rox dangbing miznaj、dawz rap naek、rox sawjmingh, hawj son' gyauq guekfuengz haeuj sim vunzlai.

(Vangz Yingj/黄颖)

Bingzgoj Sonlien Fwenleux Coi Cienzciep

平果培训嘹歌促传承



▲ Gyoengq yozyenz nyinhcaen hag fwenleuz.

9 nyied 15 hauh, Aen Cungsim Yenzgiu Gij Saw Gij Vah Siujsiq Minzcuz Bingzgoj Si guh sonlien bouxciepcienz Fwenleux "buekguh roen moq·eu fwenleux coh baenaj". Baez sonlien neix guh haj ngoenz, miz bouxcienzciep caeuq boux maij eu fwen gungh hajcib boux vunz camgya. Gyoengqde hag cihsiz fwenleux、biensij gij swz、gij diuh eu ciengq, youh langhbaij gij cwngzgoj sonlien daengj. Hozdung doidoengh henhoh、cienzciep caeuq hwngfat fwenleux Bouxcuengh, hawj gyoengqvunz rox baenzlawz eu cij engq ndei, okrenz doicaenh Bingzgoj cauhyuh binjbaiz vwnzva、hwngfat aen canjnieb lijyouz vwnzva.

(Luz Yau/陆耀)